

## 心情惆怅的诗

1.石倘能言，也应似我，望古增呜咽。——王仁溥《念奴娇》

2.草色烟光残照里，无言谁会凭栏意。——柳永《蝶恋花》

3.  
谢却荼蘼，一片月明如水。篆香消，犹未睡，早鸦啼。嫩寒无赖罗衣薄，  
休傍阑干角。最愁人，灯欲落，雁还飞。——纳兰容若《酒泉子》

4.  
一尺深红胜曲尘，天生旧物不如新。合欢桃核终堪恨，里许元来别有人。  
井底点灯深烛伊，共郎长行莫围棋。玲珑骰子安红豆，入骨相思知不  
知。——温庭筠《南歌子·新添声杨柳枝词》

5.  
荒戍落黄叶，浩然离故关。高风汉阳渡，初日郢门山。江上几人在，天  
涯孤棹还。何当重相见，樽酒慰离颜。——温庭筠《送人东游》

6.  
寂寞掩朱门，正是天将暮。暗澹小庭中，滴滴梧桐雨。——孙光宪《生  
查子》

7.  
小台堪远望，独上清秋时。有酒无人劝，看山只自知。幽禽啜新竹，孤  
莲落静池。高门勿遽掩，好客无前期。——刘禹锡《酬乐天小台晚坐见  
忆》

8.一生负气成今日，四海无人对夕阳。——陈寅恪《忆故居》

9.  
人言落日是天涯，望极天涯不见家。已恨碧山相阻隔，碧山还被暮云遮。  
。——李觏《乡思》

10.  
驿外断桥边，寂寞开无主。已是黄昏独自愁，更著风和雨。无意苦争春，  
一任群芳妒。零落成泥碾作尘，只有香如故。——陆游《卜算子·咏梅》

11.若是前生未有缘，待重结、来生愿。——乐婉《卜算子·答施》

12.  
清波渺渺日晖晖，柳依依，草离离。老大逢春，情绪有谁知？帘箔四垂  
庭院静，人独处，燕双飞。怯寒未敢试春衣。踏青时，懒追随。野蔌山  
肴，村酿可从宜。不向花边拚一醉，花不语，笑人痴。——王炎《江城  
子·癸酉春社》

13.  
东风夜放花千树，更吹落，星如雨。宝马雕车香满路，凤箫声动，玉壶  
光转，一夜鱼龙舞。蛾儿雪柳黄金缕，笑语盈盈暗香去。众里寻他千百  
度，蓦然回首，那人却在，灯火阑珊处。——辛弃疾《青玉案·元宵》

14.泪眼问花花不语，乱红飞过秋千去。——欧阳修《蝶恋花》

15.  
送春春去几时回？临晚镜，伤流景，往事后期空记省。——张先《天仙  
子》

16.  
年年春日异乡悲，杜曲黄莺可得知。更被夕阳江岸上，断肠烟柳一丝丝  
。——韦庄《江上思乡》

17.  
林花发岸口，气色动江新。此夜江中月，流光花上春。分明石潭里，宜

照浣纱人。交甫怜瑶珮，仙妃难重期。沉沉绿江晚，惆怅碧云姿。初逢花上月，言是弄珠时。——张子容《春江花月夜二首》

18.人言落日是天涯，望极天涯不见家。——李觏《乡思》

19.

流光冉冉道无闻，短发萧萧雪见侵。衰矣久无天下志，行乎聊慰才人心。功名随世吾何感，道德康时力未任。安得万牛呼古柏，武夷山下白云深。——项安世《武陵道中元日自叹》

20.不遇天人不目成，藐姑相对便移情。——吕碧城《浣溪沙》

21.

杨花落尽子规啼，闻道龙标过五溪。我寄愁心与明月，随君直到夜郎西。——李白《闻王昌龄左迁龙标遥有此寄》

22.

人生只似风前絮，欢也零星。悲也零星。都作连江点点萍。——王国维《采桑子》

23.

新月又如眉。长笛谁教月下吹。楼倚暮云初见雁，南飞。漫道行人雁后归。意欲梦佳期。梦里关山路不知。却待短书来破恨，应迟。还是凉生玉枕时。——晏几道《南乡子·新月又如眉》

24.

空对着，山中高士晶莹雪；终不忘，世外仙姝寂寞林。——曹雪芹《终身误》

25.思悠悠，恨悠悠，恨到归时方始休。——白居易《长相思》

26.当年不肯嫁春风，无端却被秋风误。——贺铸《芳心苦·杨柳回塘》

27.

山际见来烟，竹中窥落日。鸟向檐上飞，云从窗里出。——吴均《山中杂诗》

28.

清晓因兴来，乘流越江岷。沙禽近方识，浦树遥莫辨。渐至鹿门山，山明翠微浅。岩潭多屈曲，舟楫屡回转。昔闻庞德公，采药遂不返。金涧饵芝术，石床卧苔藓。纷吾感耆旧，结揽事攀践。隐迹今尚存，高风邈已远。白云何时去，丹桂空偃蹇。探讨意未穷，回艇夕阳晚。——孟浩然《登鹿门山》

29.

有时忽惆怅，匡坐至夜分。平明空啸咤，思欲解世纷。心随长风去，吹散万里云。羞作济南生，九十诵古文。不然拂剑起，沙漠收奇勋。老死阡陌间，何因扬清芬。夫子今管乐，英才冠三军。终与同出处，岂将沮溺群。——李白《赠何七判官昌浩》

30.

昔日龌龊不足夸，今朝放荡思无涯。春风得意马蹄疾，一日看尽长安花。——孟郊《登科后》

31.

星织乌同织，鹤闲鸥亦闲。问君离俗久，何事落人间。未伏秋无雨，残歊昼掩关。寒泉聊洗耳，清冷似吾山。——洪炎《盛彦光次韵见和复用前韵因以自叹》

32.一朝春尽红颜老，花落人亡两不知。——曹雪芹《葬花吟》

33.生怕离怀别苦，多少事，欲说还休。——李清照《凤凰台上忆吹箫》

34.两情若是久长时，又岂在朝朝暮暮。——秦观《鹊桥仙》

35.奴为出来难，教君恣意怜。——李煜《菩萨蛮》

36.

白狼河北秋偏早，星桥又迎河鼓。清漏频移，微云欲湿，正是金风玉露。两眉愁聚。待归踏榆花，那时才诉。只恐重逢，明明相视更无语。人间别离无数，向瓜果筵前，碧天凝伫，连理千花，相思一叶，毕竟随风何处。羁栖良苦，算未抵空房，冷香啼曙。今夜天孙，笑人愁似许。——纳兰性德《台城路·白狼河北秋偏早》

37.

望断平时翠辇过，空闻子夜鬼悲歌。金舆不返倾城色，玉殿犹分下苑波。死忆华亭闻唳鹤，老忧王室泣铜驼。天荒地变心虽折，若比伤春意未多。——李商隐《曲江》

38.

春未绿，鬓先丝。人间别久不成悲。——姜夔《鹧鸪天·元夕有所梦》

39.收灯庭院迟迟月，落索秋千剪剪风。——杨慎《鹧鸪天》

40.

平生糟粕数行书，潦倒真成一腐儒。天外冥鸿何缥缈，雪中孤鹤太清癯。聪明不及顽如旧，少壮无能老更迂。览镜自惊还自叹，又添几缕白髭须。——于谦《自叹》

41.

去年元夜时，花市灯如昼，月上柳梢头，人约黄昏后。今年元夜时，月与灯依旧。不见去年人，泪湿春衫袖。——欧阳修《生查子·元夕》

42.

秋寂寞。秋风夜雨伤离索。伤离索。老怀无奈，泪珠零落。——孙道绚《忆秦娥》

43.

独自莫凭栏，无限江山，别时容易见时难。流水落花春去也，天上人间。——李煜《浪淘沙》

44.

圣人不生，麟龙何瑞；梧桐不高，凤凰何止。吾闻古之有君子，行藏以时，进退求己；荣必为天下荣，耻必为天下耻。苟进不如此，亦何必用虚伪之文章，取荣名而自美。——齐己《相和歌辞·君子行》

45.

草宿披宵露，松餐立晚风。乱离嗟我在，艰苦有谁同。祖逖关河志，程婴社稷功。身谋百年事，宇宙浩舞穷。——文天祥《自叹》

46.乱山残雪夜，孤烛异乡人。——崔涂《除夜》

47.而今才道当时错，心绪凄迷。——清·纳兰性德《采桑子·当时错》

48.

游人五陵去，宝剑值千金。分手脱相赠，平生一片心。——孟浩然《送朱大入秦》

49.不知何处吹芦管，一夜征人尽望乡。——李益《夜上受降城闻笛》

50.百年歌自苦，未见有知音。——杜甫《南征》

本文链接：<https://duanjuziku.com/duanjuzi/9thhd4wnz2.html>